

Penduduk terkesan di kawasan MPP Sub Zon 3 terima beras secara pandu lalu

LABUAN: Walaupun kes jangkitan COVID-19 di Wilayah Persekutuan Labuan menunjukkan penurunan yang memberangsangkan, namun warga Labuan diminta terus mematuhi prosedur operasi standard (SOP) serta sentiasa mengamalkan kebiasaan norma baharu bagi memutuskan rantaian wabak COVID-19 yang telah pun melanda negara sejak setahun lalu.

Ahli Dewan Negara Senator Datuk Bashir Alias berkata, warga Labuan perlu terus mematuhi SOP yang ditetapkan oleh kerajaan dan mengamalkan pembudayaan norma baharu bagi memutuskan rantaian pandemik COVID-19 di wilayah ini.

“Jika kita tidak mahu Perintah Kawalan Pergerakan (PKP) berpanjangan, maka kita mesti patuh arahan Majlis Keselamatan Negara dan Kementerian Kesihatan Malaysia.

“Adalah menjadi tanggungjawab kita untuk melindungi diri dan keluarga dengan mematuhi SOP supaya kita berada dalam keadaan yang lebih selesa dan selamat,” katanya.

Beliau berkata demikian pada Program Penyerahan Bantuan MyBeras peringkat



BANTUAN BERAS: Bashir menyerahkan bantuan beras pada Program Penyerahan Bantuan MyBeras kepada penduduk di kawasan MPP Sub Zon 3 secara pandu lalu sambil diperhatikan Mohd Dzulfaizal di pekarangan Dewan Komuniti Kampung Sungai Lada, baru-baru ini.

MPP Zon 3 secara pandu lalu di pekarangan Dewan Komuniti Kampung Sungai Lada, baru-baru ini.

Bashir yang juga Pengerusi Majlis Penasihat Perbadanan Labuan mengucapkan terima kasih kepada petugas di barisan hadapan terutamanya kakitangan Jabatan Kesihatan Labuan dan anggota pasukan keselamatan seperti polis, ATM, APM dan RELA yang bekerja keras menjaga kesihatan dan keselamatan warga Labuan daripada jangkitan wabak COVID-19.

Mengenai bantuan MyBeras

@Wilayah Prihatin, Bashir mengucapkan terima kasih kepada Kementerian Wilayah Persekutuan yang sentiasa prihatin dengan golongan yang terkesan dengan pandemik COVID-19.

Turut hadir pada program itu ialah Pengerusi Majlis Perwakilan Penduduk (MPP) Zon Labuan Mohd Dzulfaizal Ab. Manan, Pengerusi MPP Sub Zon 3 Omar Misir dan Kapten (PA) Japli Sip-ling selaku ketua pemantau SOP mewakili Jawatankuasa Pengurusan Bencana Daerah (JBPD) Labuan.